

Օգոստոսի կէսերին, Անիում, նախադահութեամբ ակ.Ա.Թամանեանի, տեղի ունեցաւ խորհրդակցութիւն Կոմիտէի և արշաւախմբի տեղ հասած անդամներին՝ կատարելիք աշխատանքների մասին. մշակուեց հետագոտութիւնների գործադրական ծրագիրը, բաժանուցին աշխատանքները և ամէն ոք անցաւ գործի: Մի խումբ՝ գլխաւորութեամբ Աշխարհբէզ Մելիք-Քալանթարեանի և մասնակցութեամբ ճարտ. Ա. Գալիկինի, ճարտ. Լ. Յակոբեանի, լուսանկարիչ Վաղ. Յակոբեանի, ուսանողուհիներ Ս. Մելիք-Քալանթարեանի, Վարս. Յովհաննիսեանի ու Հեղ. Թառայեանի և Ե. Ամիրեանի, Գ. Յակոբեանի ու Մ. Պապայեանի մեկնեց Տիկոր, ուր աշխատեց մի ամիս, մինչև սեպտ. 18, պտտեց ծրագրուած շրջանը — Անի—Արջու—Առիճ—Ալաման—Տիկոր—Խժկոնք (Բէշ-Քիլիսա)—Ագարակ—Ջալալ—Ծպնի—Նախճաւան—Բազարան—Մրեն, որտեղից դուրս եկաւ Արագած կայարանը: Իր գիտական ճամբորդութեան ընթացքին խումբը հաւաքեց մեծ քանակութեամբ նիւթեր, կատարեց յուշարձանների մանրամասն չափաչափութիւն, քաշեց բազմաթիւ լուսանկարներ, հանեց քանդակների էստամպոններ, գտաւ մեծ թւով անյայտ արձանագրութիւններ: Բացի քրիստոնէական հնութիւններից, գլխաւորապէս Տրդ և Ղրղ դարերի, խումբը երևան բերեց ընդարձակ ծաւալով և լաւ պահպանուած նախապատմական հնազոյն ժամանակների բնակութեանց և շինութեանց մնացորդներ: Միաժամանակ տեղերում ստեղծուեցին յատուկ մարմիններ՝ ապահովելու համար հնութիւնների պահպանութիւնը:

Անիում կատարուեցին և նկարչական աշխատանքներ՝ նկարիչներ Թարխարարեանը և Մարգարեանը նկարեցին բազմաթիւ արժէքաւոր օրմանկարներ:

Երկրորդ խումբը՝ առաջնորդութեամբ Գարեգին եպ.—ի և մասնակցութեամբ ճարտ. Եղիազարեանի և քանդակագործ Պետրինի մեկնեց Երևանից յուլ. 8—ին և վերադարձաւ 28—ին՝ ունենալով շատ յաջող աշխատանքներ:

Պատերազմը արգելք եղաւ այս աշխատանքներին էլ:

Կառավարութեան հողածութեան առարկայ էր և Սևանայ լճի նաւարկութիւնը: Սեպտեմբերից սկսած լճի վրա սկսեց բանել առաջին շոգեմակոյկը: Մի քանի շաբաթ յետոյ սկսեց գործել «Աշոտ Երկաթ» «Ռազմանաւր» մի արագահարուած թնդանօթով: Հիմք դրեց մի աւելի մեծ շոգենաւի շինութեան: Սեպտ. 3—ին Շահթախից Երևան բերեց «Սետորիցա Նիւշա» շոգենաւը, որ ուսները տանում էին Վան և թողել էին կէս ճանապարհին: Նաւը վերանւանեց «Գեղանոյշ» և նոյնպէս պիտի փոխադրէր Սևան: Ենթադրուած էր Սևանի բոլոր եղերքները կապել նաւային հաղորդակցութեամբ և հետզհետէ վարդաջնել նաւագնացութիւնը:

Սևանի նաւագնացութեան ողին էին Խորհրդարանի անդամ Տիգրան Ծամհուրը — «ձովակալ Սէյմուր» — և երիտասարդ ծովային սպայ Թումանեանը, որ այնպէս դաժանօրէն սպանեց բոլշևիկների ձեռքով՝ բոլորովին անմեղ տեղը: Հօր՝ պրոֆ. Թումանեանի հետ եկել էր Բեսարաբիայից: